

## ***Mersi Speaker,***

*Bonzour tou memb onorab e tou dimoun a lekout*

Page | 1

Mon pran laparol, bomaten lo non kokus bann Madanm lasanble Nasyonal koman son chairperson, pou dir 2 pti mot A lokazyon sa 16 Zour ki ganny dedye par Nasyon Ini pou mark kanpagn kont vyolans domestik, sa I depi 25 Novem ki ozordi, ki mark komansman, ***Zournen Enternasyonal pou eliminasyon vyolans kont bann madanm*** e fiy e I ale ziska le 10 Desanm ki mark Lazournen Dwa Imen. E se sa kouler oranz ki nou pe ilistre ozordi ki ganny servi an solidarite ek bann viktim pou mark sa bann zour.

Mr. speaker, bokou pei inkli Sesel I selebre sa (**16 days activism against Gender base violence**, avek lobzektif ini tou partner dan sa lalit pou met lafen ek vyolas kot bann madanm e bann fiy. E tenm ki nasyon ini in servi se, unite, and Orange the world, e sa lannen en zot lobzektif se pou demande ki nou montre respe anver nou bann madanm e anpes

labi kontinnyen, e se pou sa rezon ki zot pe las lapel, pou ki plis fon I ganny met a disopzion bann lorganizasyon ki pe travay pou promouvoir lentere bann madanm.

Parey noun kapab konstate, ki vyolans domestik I en size ki tous tou dimoun, me dan bokou ka se bann Madanm e zanfan ki ganny plis afekte par lefe ki zot pli velnerab, me sa pa vedir ki bann garson e myse pa victim, me konpare ek bann madanm, zot ganny mwens afekte. E dan sa long deba ki nou ti annan boner sa lannen otour sa lalwa kont vyolans domestik sa ti ganny fer resorti e statistic ti prouve ki isi sesel 26% a 29% myse I viktm vyolans domestik

Mr. speaker, sa size vyolans ki nou pe adrese I pa zis vyolans fizik e verbal, parey bate e kriye, me I osi enkli bann akt malisye, manipilasyon entimidasyon, e deprivasyon laliberte e osi labi seksyel. Sa bann keksoz I ariv partou e tou lezour,

Me I annan bokou ka ki ganny les pase oubyen I annan konpromi entre le 2 parti i pa ganny raporte.

I menm annan de fwa kot sa viktim I sitan abitye ek sa sitiasyon e I war sa koman en konportman normal vizavi son partner, e I pa konsider sa bann akt koman vyolans ou labi domestik , kan annefe tou sala I form par dan sa serk vyolans kot I komas pti a pti e plitar I eskale, e vin pli grav.

Mr. Speaker, larealite I vre ki bokou ka labi pa pe ganny raport, me I annan osi ki ganny raport e I ganny toufe akoz laont e person pa fer narye pou diferan rezon, swa sa dimoun I o plase dan sosyete, oubyen I enfliyas zot avek larzan, pou tir case. E sa statistik ki ganny anase sak lannen lo bann ka ki vin devan, I pa vreman sa levidans konkret lo vre sitiasyon labi ki pe pase dan bann fanmiy e dan bann foye. E sa lannen ziska oktob in annan, 61 ka kin ganny raporte par bann viktim, e 31 ki ganny detekte par tribunal lafanmiy.

E fodre fer resorti ki I pa ka vyolans zis ant bann koup me I annan, bann dimou aze, bann vye paran ki sibir labi e vyolans, e yer noun tan Tanny dir ki I menm annan zanfan ek dizabilite ki ganny abize kot lakour, e tou lezot ki pa ariv devan lotorite, Sa I anmen bokou defi dan travay ki pe ganny fer pou lenplimantasyon lalwa oubyen osi met an plas bann pli bon servis, oubyen striktir pour ed bann viktim. E toudemenm I annan viktim sirtou madanm ki dir ou si I raporte , e apre I napa e landwa pou li al abrite I pou bezwen retourn lanmen kot sa abizer, I pou sibir plis labi ankor alor pa vo lapenn.

Sa I anmen mwa direk lo sa zafer shelter pour viktim vyolans domestic..... en size ki a plizyer repriz noun diskite isi dan lasanble presedan. E gouvènmàn sortan pan war li neser pou bouz dan sa direksyon e met an plas striktir neser pou ed bann victim sirtou madanm,

Detwa lannen pase, En dimoun prive in anbark lo en proze shelter me i pa spesifikman pou viktim vyolans domestic, tanka pou bann imsyè I touzour annan night shelter north East Point kot zot kapab ganny en rekourm pou detwa zour, e pou ban zanfan parfwa sosyal I tire I met vilaz prezidan, be pou bann madanme napa I vremab napa rekour?.

Ler nou men lasanble nou ganny en call pou dir en maman ek son zafan in ganny bate e ganny pouse dan lannwit e I anba busstop kote ou abrit li kantmenm zis pou sa lannwit.

Malgre ki annan bokou zefor ki pe ganny fer lo nivo nasyonal e enternasyonal pou regle lalwa e met plis zefor dan elimin vyolans domestik, I reste ki I annan bokou, baryer e lobstak pou sirmonte.

Amwen ki I annan en sanzman latitud, e en “change of mindset” unles ki sosyete I pare pou sanz fasonpanse , anver sa size I pou toultan difisil pou trouve meyer silosyon.

Antretan nou kontinnyen sansibiliz, dimoun, e sosyete an zeneral, lo nesesite elimin vyolans domestic, e sak lannen e tou lokazyon donnen, nou pa mank sa lokazyon pou adres sa size vyolans Domestic, ki swa lo nivo local ou internasyonal, I touzour en size ki noun port bokou latansyon lo la.

Zis pou fer zot rapel ki apre en kantite lannen ki noun espere, e bokou presyon sorti kot bann lorganizasyon internasyonal ki sesel I afilye avek, Sa lannen sesel ti finalman ganny son lalwa kont vyolans Domestik ki ti ganny debat dan 6em lasanble le 26 Me e ganny Ascent le 9 Zen sanmenm sa lannen.

Sa I Selman en pa dan sa lalit pou elimin vyolans domestik, me pli gro latas.. se son lemplimentasyon, aköz par lesperyans noun konstata ki sesel en pei ki annan en kantite bon lalwa, me parfwa, I reste dormi lo letazer kot i anmas lapousyè e pa zanmen ganny implimante.

Lo non nou caucus madanm dan sa 7em lasanble , nou pe fer en lapel ek gouvernman, ki nou tia kontan vwar ki sa lalwa I ganny lenplimantasyon pou asire ki bann victim vyolans domestik I ganny tou proteksyon nesese , parey zot merite.

Mr. Speaker mon pa pou fer zistis si mon pa fer resorti ki bann imsy e I osi santi ki malgre ki I annan lalwa., I viz plis ver bann madanm, e zot bann zonm ki pe sirbir labi e vyolans ek zot madanm, zot souvan pa ganny regarde, koman viktim me plito agreser, malgre ki zot annan zot rezon, En I rakot mwa ki ler son madanm ti pe trangle li I cal lapolis zot dir napa transport, me ler li sa madanm I cal gard zot vin par grap,

Sa dan limenm I montre nou ki malgre ki lalwa I la, Me sa zefor pou implimate I I pa ase. Wi Nou bezwen lalwa me ki manyer nou met li an pratik I osi importan. I pa devret pe diskrimin person, mon pou dir ki menm slogan ki nasyon ini I servi, I get zis en

kote akoz I dir protez bann fiy ek madanme, e zot konman bann zonm ki pe sibir labi, zot santi zot ganny kit deryer. Me avek sa mond ki pe evolye vitman, Mr. speaker kot orientasyon dan bann relasyon I sanze, kot ozordi en koup pa nesesanan en zonm ek en fanm, I kapab 2 myse ou 2 madanm noun pa kapab pe favoriz zis en kote. Nou bezwen sanz sa mind set e get keksoz parey I ete.

nou bezwen vin pli pro-aktiv, sirtou dan sa moman pandemik ki'n amenn bokou loportinite pour labi. ***Kovid 19 in anmenn bann stress ekonomik e sosyal pour lemonade e osi nou pti pei sesel, ki fer ki pandan sa pandemic Vyolans domestic in manifeste lo en pli gran lanpler, pou diferan rezon,***

Mr. Speaker pou konkli mon pou dir ki

1.premyerman enn bann size ki nou bezwen kontinnyen pouse se pou enplor Gouvernman pou



konstri sa half way home, e met anplase e bonn program rehabilitasyon pou bann victim e osi bann agreser.

2. Dezyenmen, avek bann defi ekonomik, bann lenstitisyon tel ki lapolis e lasante piblik, probasyon I fer fas avek bokou presyon. Zot menm ki bezwen fer sir ki bann mezir lasante pe ganny pratike e respekte. I fer ki zot resours I limite pour deservir bann viktim vyolans domestic parey zot ti swete fer. I osi annan sa mank , lespertiz pou dil ek bann tel ka ou mank kapasite. Sa osi I bann defi ki sosyete I bezwen aderse si vreman nou oule en program konpreasiv.

Me nou bezwen rekonet ki I osi annan lo nivo nasyonan e lorganizayon bann lorganizasyon non gouvènmantal ou bann group bann group ki sipòrt bann madanm ek ki pran sa size vyolas domestic aker, E pour sa nou salye zot ! Nou bezwen fer remarke ki I annan bokou zefor ki zot in fer pou pouse ki pei I met an plas lalwa ek policy, ki

ranforsi bann konvensyon, e trete ki pei I signen, oubyen onor bann langazman ki nou fer . *E la mon mazi bann lorganizasyon parey Waso, ASSF, Soroptimist e lezot , e nou ankouraz zot pou kontinnyen, dan sa lalit, e nou koman sa caucus kot nou kapab vin devan pou donn en koudmen nou pou fer li.*

Nou osi rekonet ki malgre ki I annan sa bann groupman ou lenstitisyon pa tou dimoun ki senti zot alez pou tap laport. Viktim I kontinnyen viv dan lafryer e zot soufer dan silans. Sa I anmen bann lefe permanan lo zot lasante, lasante zot famiy e lasante zot kominote. An retour I afekte nou lasosyete an antye.

Mr. speaker nou bezwen kontinnyen regard vyolans domestic koman labi dwa imen e sanz sa persepsyon ki zafer zonm ek fanm I en zafer prive. Nou bi se pou kler enpe lalimyer lo sitiasyon aktyel dan pei e lemon

an antye, e sey met lanmen ansanm pou trouv meyer solisyon.

Isi dan sa 7enme lasanble nou pou met zefor pour ranforsi bann polisi ki kapab premyerman protez bann dwa e lasante bann viktim vyolans domestik. Avek sa, nou pou sey asir bann viktim ki nou pou fer nou mye pou donn bann lenstitisyon ki konsern lasante piblik ek lasante sosyal, bann zouti neserer pour konbat kont vyolans domestik.

Premyerman nou bezwen asire ki se bann profesionel kalifye ki pe deal avek sa bann ka. Ki I annan bon sistenm follow up lo bann ka ki ganny raporte e person pa ganny kit deryer, e ki lalwa I aplik pou tou dimoun. nou bezwen annan e bon program reabilitasyon pour ki ler bann agreser i retourn dan lasosyete zot in sanze. Mon lapel pou bann ki ankor per, avans devan e vin rod led avan I tro tar.

Mr. speaker les mwan termin mon entervansyon ek sa de mot

Madame I en pily nou sosyet non pa en tambour

Madanm I ede fer zanfand grandikot lakour e non pa en nenen

Page | 12

Madanm I sipoze en trezor e non pa en lesklav

Annou protez lantegrite nou bann madanm, pou en meyer lavenir e pou plis proserite dan sosyete, ou n ki pe soufer, an silans ou pa tousle, ansanm nou kapab briz sa silans, e ed ou bouz pli devan.

Mersi mr. speaker